

প্রতিটি পরিবারের দৈনন্দিন কার্যতালিকায় স্বর্গের পিতা ঈশ্বরের কাছে
প্রার্থনার কাজটির বিশেষ স্থান থাকা উচিত।

প্রার্থনার সময় তোমরাও বিজাতীয়দের মতো অর্থহীন
বাগাড়ম্বর করো না। তারা মনে করে যে বাগবাছল্যের
জোরেই তাদের প্রার্থনা গ্রাহ্য হবে। তোমরা তাদের
অনুকরণ করো না। কারণ তোমরা চাইবার আগেই তোমাদের
পিতা জানেন তোমাদের কি প্রয়োজন।

এই বলে তোমরা প্রার্থনা করবে:

হে আমাদের স্বর্গবাসী পিতা!

পবিত্র বলে স্বীকৃত হোক তোমার নাম,

তোমার রাজ্য প্রতিষ্ঠিত হোক,

তোমার ইচ্ছা স্বর্গে যেমন পূর্ণ হয়,

তেমনি পৃথিবীতেও পূর্ণ হোক।

আমাদের দৈনিক আহাৰ আজ আমাদের দাও।

আমরা যেমন অপরের অপরাধ ক্ষমা করি

তেমনি তুমিও আমাদের সকল অপরাধ ক্ষমা করো।

আমাদের প্রলোভনে পড়তে দিও না,

রক্ষা কর আমাদের অশুভ-শক্তির প্রভাব থেকে।


তোমরা যদি অন্যের অপরাধ ক্ষমা কর, তাহলে তোমাদের
স্বর্গবাসী পিতাও তোমাদের ক্ষমা করবেন। কিন্তু তোমরা
যদি অন্যের অপরাধ ক্ষমা না কর, তাহলে তোমাদের
স্বর্গবাসী পিতাও তোমাদের অপরাধ ক্ষমা করবেন না।

মথি ৬: ৭-১৫

আপনারা বাইবেলের সামান্য কটি অংশমাত্র পড়লেন। বাইবেলে
আপনার ও আপনার পরিবারের জন্য ব্যক্তিগত ভাবে ঈশ্বরের
উৎসাহব্যঞ্জক বাণী রয়েছে। নিজের মঙ্গলের জন্য বেশি করে বাইবেল
পড়ুন।

আরো বেশি জানতে হলে নীচের ঠিকানায় যোগাযোগ করুন:

THE BIBLE SOCIETY OF INDIA
KOLKATA AUXILIARY
23 JAWAHARLAL NEHRU ROAD
KOLKATA - 700 087



Published by: THE BIBLE SOCIETY OF INDIA
LOVE IS WHAT A FAMILY NEEDS - Bengali
50K 0846/2015/50M ISBN 81-221-2487-9

প্রেম



যা একটি পরিবারে একান্ত
প্রয়োজন

প্রেম

একটি পরিবার গড়ে ওঠে দুটি মানুষকে নিয়ে। বিবাহবন্ধনে প্রতিষ্ঠিত সমুদ্র স্পর্শের অভিজ্ঞতার পুরস্কার আসে সন্তানের রূপ ধরে। প্রেম, আস্থা, পারস্পরিক সততা এবং ঈশ্বরের বন্ধুত্ব হলো সেইসব উপকরণ যা একটি পরিবারকে মহান করে তোলে এবং সেইসঙ্গে তাকে কালোপযোগী রোমাঞ্চের আনন্দে ভরপুর করে তোলে। কতকগুলি বিষয়ে প্রেম সম্বন্ধে বাইবেলের বক্তব্য এখানে দেওয়া হলো। পরিবারকে ঈশ্বরের প্রেম উপভোগ করতে হবে এবং পারিবারিক জীবনে সেই প্রেমকে প্রতিফলিত করতে হবে। এখানে দেওয়া হলো মহত্তম এক প্রেমগাথার অংশ বিশেষ। সক্রিয় প্রেমের বর্ণনা এতে সুন্দরভাবে ফুটে উঠেছে।

আমি যদি জাগতিক কিম্বা স্বর্গীয় ভাষায় ভাষণ দিই কিন্তু হৃদয়ে আমার প্রেম না থাকে তাহলে আমার কথা কানে তালা লাগানো ঘটনা বা করতালের আওয়াজ মাত্র। আমি যদি একজন নবীর মত কথা বলি, যদি সমস্ত নিগূঢ় তত্ত্ব ও দিব্যজ্ঞানে পারঙ্গম হই, যদি পাহাড় টলানোর মত বিশ্বাস আমার থাকে অথচ হৃদয়ে আমার প্রেম না থাকে তাহলে আমি কিছুই নই। আমার যথাসর্বস্ব যদি বিলিয়ে দিই, এমন কি আমার দেহও আগুনে বিসর্জন দিই কিন্তু হৃদয়ে যদি প্রেম না থাকে তাহলে আমার কোনই লাভ নেই।

প্রেম সহনশীল, মমতাময়। প্রেম ঈর্ষা করে না, দম্ভপ্রকাশ করে না। গর্বোদ্ধত হয় না, রূঢ় আচরণ করে না, ধৈর্য হারায় না, অপকার মনে রাখে না। প্রেম কারও অধর্মচরণে আনন্দলাভ করে না, সত্যেই তার পরম প্রীতি। প্রেম অবিচল, সব কিছু বিশ্বাস করে, সব কিছু আশা করে, সর্ব অবস্থায় ধৈর্য ধারণ করে।

১ করিন্থীয় ১৩: ১-৭



যায়ীর পরিবারে যীশু খ্রীষ্ট,—ঈশ্বরের পুত্র যখন গিয়েছিলেন তখন পরিবারে চলছে চরম মানসিক বিপর্যয়। যায়ীর ছোট্ট মেয়েটি মৃত্যুশয্যায়। যায়ীর যীশুর সাহায্য ভিক্ষা করলেন। হৃদের ওপার থেকে যীশু ফিরে এলে তাঁর জন্য অপেক্ষমান জনতা তাঁকে স্বাগত জানাল। সেখানে যায়ীর নামে সমাজভবনের একজন অধ্যক্ষ এসেছিলেন। তিনি যীশুর পায়ে পড়ে তাঁকে তাঁর বাড়ীতে যাবার জন্য কাতরভাবে অনুনয় করতে লাগলেন। কারণ তাঁর একটিমাত্র কন্যা তখন মৃত্যুশয্যায়, বয়স তার প্রায় বারো বৎসর।

তিনি যখন কথা বলছিলেন, সেইসময় সমাজভবনের অধ্যক্ষের বাড়ী থেকে একজন লোক এসে অধ্যক্ষকে বলল, আপনার মেয়ে মারা গেছে, গুরুদেবকে আর কষ্ট দেবেন না। একথা শুনতে পেয়ে যীশু বললেন, ভয় করো না, শুধু বিশ্বাস কর, সে নিশ্চয়ই বাঁচবে। যীশু তাঁর বাড়ীতে গেলেন। তিনি পিতর, যোহন ও যাকোব এবং মেয়েটির মা-বাবা ছাড়া আর কাউকে ঘরে ঢুকতে দিলেন না। সকলে মেয়েটির জন্য কাঁদছিল ও শোক প্রকাশ করছিল। তিনি তাদের বললেন, কেঁদ না, ও মারা যায় নি, ঘুমাচ্ছে। তারা কিন্তু জানতো যে সে মারা গেছে, তাই তারা তাঁকে ঠাট্টা করতে লাগল। কিন্তু তিনি মেয়েটির হাত ধরে বললেন, খুকু, ওঠো। মেয়েটির প্রাণ ফিরে এল, তক্ষুণি সে উঠে বসল। তখন যীশু তাকে কিছু

খাবার দিতে বললেন। তার বাবা-মা বিস্ময়ে একেবারে অভিভূত হয়ে পড়েছিলেন কিন্তু তিনি তাঁদের এই ঘটনার কথা কাউকে বলতে নিষেধ করলেন।

লুক ৮: ৪০-৪২, ৪৯-৬৬

ঈশ্বরের প্রেম যখন মানুষ উপলব্ধি করতে পারে একমাত্র তখনই পরস্পরকে ভালবাসার কাজটা অত্যন্ত সার্থকভাবে বাস্তবে পরিণত হয়। প্রেরিতপুরুষ যোহন কী উপদেশ দিয়েছেন, শুনুন। স্নেহাস্পদেদো এস, আমরা পরস্পরকে ভালবাসি। কারণ প্রেম ঈশ্বরসঞ্জাত। যে ভালবাসে সে ঈশ্বরসঞ্জাত এবং সে ঈশ্বরকে জানে। যে ভালবাসে না সে ঈশ্বরকে জানে না, কারণ ঈশ্বর প্রেমস্বরূপ। এর দ্বারাই ঈশ্বরের প্রেম আমাদের কাছে প্রকাশিত হয়েছে যে ঈশ্বর তাঁর অনন্য পুত্রকে এ জগতে পাঠিয়েছেন, যেন আমরা তাঁর দ্বারা জীবন লাভ করি। প্রেম বলতে বোঝায় আমরা যে ঈশ্বরকে ভালবেসেছি তা নয়, তিনিই আমাদের ভালবেসেছেন এবং আমাদের পাপের প্রায়শ্চিত্তের জন্য তাঁর পুত্রকে পাঠিয়েছেন। স্নেহাস্পদেদো, ঈশ্বর যদি আমাদের এত ভালবেসে থাকেন, তাহলে আমাদেরও উচিত পরস্পরকে ভালবাসা। ঈশ্বরকে কেউ কখনও দেখে নি কিন্তু আমরা যদি পরস্পরকে ভালবাসি তাহলে ঈশ্বর আমাদের অন্তরে বাস করেন এবং তাঁর প্রেম আমাদের মাঝে পূর্ণতা লাভ করে।

১ যোহন ৪: ৭-১২

